

mum variis figuris, ac præsertim lauris decorata est.

Commendatur hæc urbs à præclarissimis medicis, qui inter Sinas maxime excellunt: cerasis etiam sat bonis abundat Regio; tres tantum numerat civitates, 1 Chinkiang, 2 Tanyang, 3 Kintan.

Montes. Kin mons insulam efficit in Kiang fluvio ad Barrolybicum urbis; in eo magnifica aliqua sunt idolorum fana, ac monasteria sacrificulis referta. Mons hic tum natura, tum arte cultus summopere amœnus est. in eo fons aquæ scaturit apud Sinas laudatissimæ, fons Chungleang vulgo dicitur.

Septima Urbs

Y A N G C H E V.

Situs ac nobilitas.

Superato Kiang fluvio ingens cataracta occurrit ad castrum Quacheu, quæ canalisi manu facti initium est, per quem ad hanc nobilissimam Yangcheu urbem pervenitur: est hæc urbs emporium frequentissimum, ibidemque opulentum Imperatoris telonium est. quamvis autem mercium omne genus ac varietas minime desit, salis tamen distractione maxime ditescit, quæ enim urbs ad ortum vergit salinæ sunt frequentissimæ, in quibus sal eodem modo omnino conficitur, uti in Europa multis locis ex aqua marina, unde & ditissimi ac frequentissimi hic ejusmodi mercatores sunt, qui salem per mediterraneas Provincias dividendunt, ac proinde tota urbs maximis ac superbis horum ædificiis adsurgit: eam fecant plurimis in locis canales aqua dulci constantes, qui quatuor & viginti lapideis ac plurium arcuum pontibus coronantur, quibus minores magno numero non adscribo. extra urbem ad occasum canalisi arte factus eam à suburbio separat, quod ad integrum milliare Germanicum extendebatur, sed hoc Tartarico bello totum conflagravit.

Mulieres venales.

Quod hanc urbem foedat infamatque, venalis ibi foemineus sexus est, quamplurimi enim in ea degunt, qui puellas parvulas emunt, eas delicate enutriunt, voce ac instrumentis fidibus præsertim canere, carmina componere, scite pingere, ac callide lattrunculis ludere, similesque plures artes eas edocent, tum deinde magno pretio venales pro concubinis magnatibus offerunt. Gaudet Yangcheu aëris temperie molliori, amœno ac feraci solo, incolis plurimum voluptati ac delitiis deditis. parent urbi civitates

decem: 1 Yangcheu, 2 Ychin, 3 Taihing, 4 Caoyeu, 5 Hinghoa, 6 Paoyng, 7 Tai, 8 Jucao, 9 Tung, 10 Haimuen. Sub Yvo Imperatore ad Provinciam Yangcheu pertinuit, Teu ac Nieu stellarum Dominio subdita fuit. sub potestate erat Regum U, & postea Yve, quo debellato eam Çu Rex occupavit, Hana familia Kiangtu dixit, hodiernum nomen urbi dedit primus Sujus, Tangæ familiæ eam Pangcheu appellare placuit.

Nihil hic de fluminibus, montibusque admodum notatu dignum occurrit, præter lacum Piexe, ad cujus principium Caoyeu civitas sita, ubi & arte factus canalisi lacum subit, ex quo & suas haurit aquas, & ne naves lacum ipsum trajicere cogantur, ad illius ripam ex quadrato sectoque lapide canalisi structus est, ad sexaginta stadia, opere sane magnifico planeque admirando, cum difficillimum ibi sit vel conjicere, unde tot tamque ingentes lapides albi adducti sint, cum tota circumquaque Regio montibus careat.

Montes & flumina.

Octava Urbs

H O A I G A N.

Duplex est, non una tantum Hoaigan urbs, utraque tamen continuata serie habet mœnia. quæ ad Austrum vergit proprie Hoaigan dicitur, quæ ad Barropeliotem Yenching; auget harum magnitudinem suburbium alterius ad miliare Germanicum ex utraque parte canalisi protensum. per hunc canalem Croceum ingrediuntur. in eo tanta passim hominum turba visitur, tanta rerum omnium abundantia, tanta mercatorum ultro citroque commellantium frequentia, ut multis efformandis urbibus hæc omnino sufficerent.

Amplitudo urbis.

Sedem habet in hac Prorex curator annonæ Imperatoriæ, qui septem ex Australibus Provinciis cum ampla potestate præest: curæ illius incumbit, annonam reliquaque victui necessaria debito tempore ex provinciis evocare, quæ regiis navibus pœne innumeris Peking versus devehuntur: ubi ad hanc pervenere urbem, Prorex omnia inspicit, ac excutit, probeque examinata dimittit in Regiam. Sunt etiam in suburbio telonia duo: alterum, in quo portoria mercium; alterum, in quo navium non regiarum, juxta cujusque mensuram ac magnitudinem persolvitur; quod pretium ad canalisi cataraetarumque instaurationem, ac facta & tecta omnia

In ea Prorex.

Qualitas.